





## PERANGKAAN PERDAGANGAN LUAR NEGERI MALAYSIA, JUN 2025



Nota: 1. Semua perubahan adalah berdasarkan perbandingan tahun ke tahun.  
2. Data bulan Jun 2025 adalah data awalan dan tertakluk kepada pindaan dalam keluaran berikutnya.  
3. Laporan ini boleh diperolehi daripada laman portal Jabatan Perangkaan Malaysia (<http://www.dosm.gov.my>) di bawah ruangan: Siaran Terkini.

Sumber : Perangkaan Perdagangan Luar Negeri Bulanan, Jun 2025  
Jabatan Perangkaan Malaysia

## Perangkaan Perdagangan Luar Negeri, Jan 2021 – Jun 2025



# Imbangan dagangan kekal positif pada Jun 2025 bernilai RM8.6 bilion, meneruskan lebihan dagangan berturut-turut bulan ke-62 sejak Mei

- Jumlah dagangan mencatatkan penurunan 1.2 peratus kepada RM234.9 bilion berbanding RM237.8 bilion dalam bulan yang sama tahun sebelumnya, disebabkan terutamanya oleh penyusutan eksport 3.5 peratus kepada RM121.7 bilion. Sebaliknya, import meningkat 1.2 peratus kepada RM125.9 bilion, menyebabkan lebihan dagangan mengecil daripada RM14.3 bilion kepada RM8.6 bilion pada Jun 2025.
- Penurunan eksport Malaysia didorong oleh kejatuhan eksport domestik pada Jun 2025. Eksport domestik, yang merangkumi 78.3 peratus daripada jumlah eksport, menurun 5.2 peratus kepada RM95.3 bilion, manakala eksport semula, yang membentuk 21.7 peratus daripada jumlah eksport, meningkat 3.4 peratus kepada RM26.4 bilion berbanding Jun 2024.
- Malaysia mencatatkan lebihan dagangan 62 bulan berturut-turut sejak Mei 2020, walaupun lebihan tersebut mengecil 40.1 peratus kepada RM8.6 bilion pada Jun 2025.
- Eksport yang lebih rendah didorong terutamanya oleh pengurangan penghantaran ke Singapura (-RM3.5 bilion), diikuti oleh China (-RM1.5 bilion), Thailand (-RM691.8 juta), Korea Republik (-RM667.9 juta), Arab Saudi (-RM445.1 juta), Brunei Darussalam (-RM398.9 juta) dan Australia (-RM330.2 juta).
- Penurunan ini sebahagian besarnya disumbangkan oleh penghantaran yang lebih rendah bagi keluaran petroleum (-RM3.3 bilion); gas asli cecair (-RM1.2 bilion); petroleum mentah (-RM899.7 juta); kimia & bahan kimia (-RM853.7 juta); barangan besi & keluli (-RM550.8 juta); serta barangan perkilangan logam (-RM445.2 juta).
- Sebaliknya, peningkatan import pula disumbangkan terutamanya oleh kemasukan barangan yang lebih tinggi dari China (+RM3.1 bilion), diikuti oleh Amerika Syarikat (+RM1.9 bilion), Korea Republik (+RM1.3 bilion), Taiwan (+RM926.1 juta), Indonesia (+RM691.2 juta), Cameroon (+RM602.2 juta) dan Iraq (+RM395.7 juta).
- Pertumbuhan import didorong oleh peningkatan kemasukan barangan elektrik dan elektronik (+RM3.8 bilion); jentera, kelengkapan dan peralatan (+RM1.4 bilion); bijih logam dan serpihan logam (+RM1.1 bilion); keluaran perkilangan lain (+RM820.9 juta); barang kemas (+RM478.7 juta); serta barangan optik & saintifik (+RM377.8 juta).
- Berbanding dengan Mei 2025, eksport, import dan jumlah dagangan masing-masing mencatatkan penurunan 3.9 peratus, 10.1 peratus dan 7.0 peratus. Sementara itu, imbangan dagangan melonjak 1,030.7 peratus atau RM7.8 bilion.
- Jumlah dagangan Malaysia bagi tempoh Januari hingga Jun 2025 meningkat 4.8 peratus, meningkat daripada RM1.4 trilion kepada RM1.5 trilion, disokong oleh pertumbuhan eksport (+3.8%) dan import (+5.9%). Namun begitu, lebihan dagangan jatuh 17.2 peratus kepada RM55.5 bilion berbanding tempoh yang sama pada tahun 2024.
- Prestasi pada suku tahun kedua 2025, jumlah dagangan Malaysia meningkat 6.1 peratus berbanding tempoh yang sama tahun lalu, disokong oleh kenaikan dalam eksport (+3.4%) dan import (+9.0%). Namun begitu, lebihan dagangan menyusut dengan ketara dengan 55.3 peratus, berjumlah RM14.5 bilion berbanding tempoh yang sama pada tahun 2024.

